



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ  
ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ  
ԳԼԽԱՎՈՐ ՔԱՐՏՈՒՂԱՐ

Ե 40/6 - 33

« 04 » 01 2024թ.

ՀՀ, ք. Երևան 0061, Արշակունյաց 63  
Հեռ.՝ (374 60) 47-00-60

«ՇԻՆ ՆԱԽԱԳԻԾ» ՍՊԸ-Ի ՏՆՕՐԵՆ՝  
ՓԱՌԱՆՁԵՄ ՍՈՒՔԻԱՍՅԱՆԻՆ

ԾԱՆՈՒՑՈՒՄ

Պայմանագիրը միակողմանի (ամբողջությամբ) լուծելու մասին

Հարգելի տիկին Սուքիասյան,

ՀՀ ԱՆ Քրեակատարողական ծառայության և «Շին Նախագիծ» ՍՊԸ-ի միջև 29.08.2023 թ.-ին, մեկ անձից գնման ձևով, կնքվել է «ՀՀ ԱՆ ՔԿԾ-ՄԱ-ԾՁԲ-23/6» ծածկագրով գնման պայմանագիր (Այսուհետև՝ Պայմանագիր)՝ ՀՀ ԱՆ «Աբովյան», «Սևան» և «Վանաձոր» քրեակատարողական հիմնարկներում շինարարական աշխատանքների նկատմամբ հեղինակային հսկողության ծառայությունների մատուցման վերաբերյալ, որի ընդհանուր գումարը կազմում է 1.264.200 (մեկ միլիոն երկու հարյուր վաթսունչորս հազար երկու հարյուր) ՀՀ դրամ:

Համաձայն Պայմանագրի՝ «Շին Նախագիծ» ՍՊԸ-ն ստանձնել է հեղինակային հսկողության ծառայությունների մատուցման պարտավորությունը, սակայն պատշաճ ձևով չի մատուցվել ծառայությունները, չնայած այն հանգամանքին, որ ՀՀ ԱՆ քրեակատարողական ծառայության կողմից բազմիցս այդ մասին զգուշացվել է՝ թե բանավոր, թե գրավոր (թվով հինգ գրություններ՝ 07.09.2023թ., 14.09.2023թ., 22.09.2023թ., 12.10.2023թ. և 25.12.2023թ.): ՀՀ ԱՆ քրեակատարողական ծառայության կողմից ուղարկված գրություններին Ձեր կազմակերպությունը ոչ մի անգամ չի արձագանքել և չի ձեռնարկել համապատասխան քայլեր:

Հարկ եմ համարում նշել, որ Ձեր կազմակերպության աշխատակիցները չեն իրականացրել Պայմանագրով ստանձնված պարտավորություններն, ինչպես նաև ոչ մի կերպ կապ չեն հաստատել ՀՀ ԱՆ քրեակատարողական ծառայության համապատասխան աշխատակիցների հետ: Իրականացվող շինարարական աշխատանքների ողջ ընթացքում

պատշաճ չեն հետևել կատարվող աշխատանքներին, իսկ շին. հրապարակ այցելել են մի քանի անգամ, որոնք կրել են ձևական բնույթ: Այն ինչ՝ համաձայն Պայմանագրի, «Շին Նախագիծ» ՍՊԸ-ն պարտավոր էր ամբողջ շինարարության ընթացքում պատշաճ և ժամանակին իրականացնել հեղինակային հսկողությունն, ապահովելով շինարարության իրականացման համապատասխանությունը հաստատված աշխատանքային նախագծին:

Ելնելով վերոգրյալից և հիմք ընդունելով Պայմանագրի 2.1.3 կետը, ՀՀ ԱՆ քրեակատարողական ծառայությունը, ղեկավարվելով գնումների գործընթացը կարգավորող իրավական ակտերով, միակողմանի, հրաժարվում է կնքված պայմանագրից, հետևաբար՝ 2023թ.-ի դեկտեմբերի 29-ին միակողմանի ամբողջությամբ լուծվել է ՀՀ ԱՆ քրեակատարողական ծառայության և «Շին Նախագիծ» ՍՊԸ-ի միջև 29.08.2023թ.-ին կնքված «ՀՀ ԱՆ ՔԿԾ-ՄԱ-ԾՁԲ-23/6» ծածկագրով պայմանագիրը՝ 1.264.200 (մեկ միլիոն երկու հարյուր վաթսունչորս հազար երկու հարյուր) ՀՀ դրամ գումարի չափով, ինչպես նաև պատշաճ ծանուցումն ապահովելու նպատակով կիրառվում է ՀՀ կառավարության 2017 թվականի մայիսի 4-ի N526-Ն որոշմամբ հաստատված «Գնումների գործընթացի կազմակերպման մասին» կարգի 33-րդ կետի 17-րդ ենթակետով սահմանված դրույթները:

Համաձայն՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի պահանջների՝ «Շին Նախագիծ» ՍՊԸ-ն, պատվիրատուի ղեկավարի պատճառաբանված որոշման հիման վրա, պետք է ներառվի գնումների գործընթացին մասնակցելու իրավունք չունեցող մասնակիցների ցուցակում, եթե սահմանված ժամկետում չի վճարել պայմանագրի և որակավորման ապահովումների գումարները:

Հաշվի առնելով այն հանգամանքը, որ «ՀՀ ԱՆ ՔԿԾ-ՄԱ-ԾՁԲ-23/6» ծածկագրով գնման պայմանագիրը կնքվել է մեկ անձից գնման ձևով և «Շին Նախագիծ» ՍՊԸ-ն չի ներկայացրել որակավորման և պայմանագրի ապահովումներ, ուստի տվյալ դեպքում՝ «Շին Նախագիծ» ՍՊԸ-ին, պատվիրատուի ղեկավարի պատճառաբանված որոշման հիման վրա, սահմանված կարգով, ներառվելու է գնումների գործընթացին մասնակցելու իրավունք չունեցող մասնակիցների ցուցակում:

**ՀԱՐԳԱՆՔՈՎ՝**

**ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ**



**ԿԱՄՈ ԱՄԻՐԻԱՆՅԱՆ**

Կատարող՝ Մ. Խաչատրյան  
ՀՀ ԱՆ ՔԿԾ ԿԱԲ պետ  
Հեռ. 060-37 29 04